

**FEDERATA E BOKSIT
E KOSOVËS**



**BOXING FEDERATION
OF KOSOVA**

Tel/Fax: +383 38 247 578; Mob: +383 44 112824,44 208 215 E-mail: fboxk@hotmail.com
Adress: Str. Agim Ramadani no: 43, House of Sport I floor no3, 10000 Pristina, Kosova
NLB Bank No: 1701001010850503

FEDERATA E BOKSIT E KOSOVËS

Në bazë të nenit 30 nënpika 13 e Statutit të Federatës të Boksit e Kosovës, Bordi i FBOXK-se, në mbledhjen e vet të mbajtur më 18.06.2022 miratoi këtë:

RREGULLORE

PËR ORGANIZIMIN E GARAVE TË FEDERATËS SË BOKSIT TË KOSOVËS

Dispozita të përgjithshme

Neni 1.

Me këtë Rregullore vërtetohet mënyra e dhënies së të drejtave dhe obligimeve organizatorit të garave, mënyra e caktimit dhe të drejtat e obligimet e personave zyrtarë në gara, kushtet për lojë, pajisja, veshmbathja, shorti, koha, rrjedha e garave, sjellja e garuesve, shpërblimet dhe rregulla tjera të rëndësishme për zhvillimin e garave.

Neni 2.

Rregullat e kësaj Rregulloreje do të zbatohen në të gjitha garat zyrtare në Kosovë.

Neni 3.

Në garat ndërkombëtare që zhvillohen në Kosovë, do të zbatohen rregullat për gara ndërkombëtare dhe rregullat e kësaj Rregulloreje që kanë të bëjnë me dhënien e të drejtës së organizimit të garave.

I. Dhënia e të drejtës së garave

Neni 4.

Të drejtat për organizimin e garave të bazuara në konkurs dhe në propozim të Komisionit të garave e jep Bordi ekzekutiv i Federatës që është kompetent për organizimin e garave.

Konkursi i shpallur, së bashku me propozimin e Kalendarit të garave, u dorëzohet klubeve, së paku 30 ditë para mbledhjes së Bordi ekzekutiv, i cili vendos për dhënien e të drejtës së garave.

Për të fituar të drejtën e organizimit mund të kandidohen të gjitha klubet e regjionit ku organizohen garat.

Neni 5.

Kandidaturën për organizimin e garave klubet e paraqesin me shkrim. Kandidatura e paraqitur, duhet që përveç tjerash t'i plotësojë të gjitha kushtet nga kjo Rregullore.

Neni 6.

Bordi i Federatës, i cili ka kompetenca për organizimin e garave, do t'ia besojë organizimin e garave klubit, i cili do të garantojë plotësimin e kushteve nga kjo Rregullore, duke marrë parasysh:

- Barazinë e ndarjes së organizimit;
- Përfaqësimin cilësor dhe sasior të klubeve të boksit dhe të boksiereve të caktuar;
- Mundësinë e vendosjes dhe akomodimit dhe lidhjet komunikative;
- Infrastrukturën përkatëse për boks (gjyqtarët, delegatë, mjek, punëtorët e boksit etj).

Neni 7.

Me kalendarin e garave për stinorin përkatës do të njoftohen të gjithë organizatorët e garave në atë stinor, kështu që kalendari i garave ka vlerë të informatorit zyrtar për dhënien e organizimit të garës.

Neni 8.

Gara e fituar njëherë nuk mund të shfuqizohet.

Nëse për arsye të pranuara ndonjë organizator i caktuar nuk mund ta organizojë ndonjë garë, është i obliguar që për këtë menjëherë ta njoftojë Komisionin e garave të FboxK.

Mospërmbajtja kushteve të nenit të mëparshëm tërheq me vete përgjegjësi disiplinore.

II. Të drejtat dhe obligimet e organizatorit

Neni 9.

Organizatori i garave është i obliguar:

- Që 7 ditë para fillimit të garës ti njoftojtë të gjitha klubeve të interesuara për pjesëmarrje në garë
- Të sigurojë pajisjet (ringun, kapelat , dorezat etj.) në pajtim me dispozitat e kësaj Rregulloreje;
- Të sigurojë Delegatin zyrtarë të gares nga FBOXK
- Të sigurojë shërbimet e gjyqtarëve;
- Të sigurojë personelin e mjaftueshëm për udhëheqjen e garave;
- Të sigurojë mundësinë e dhënies së ndihmës së parë mjekësore;
- Të sigurojë mundësinë e vendosjes së pjesëmarrësve dhe të personave zyrtarë të garës;
- Të caktojë përfaqësuesin e vet në udhëheqësinë e garave;
- Të sigurojë trofetë sportive për boksieret më të mirë;
- T'a lajmërojë garën (tubimin publik) në stacionin kompetent të policisë;
- T'i përmbahet dispozitave të kësaj Rregulloreje dhe akteve tjera të përgjithshme të cilat kanë të bëjnë me garat.

Neni 10.

Federata, që është kompetente për dhënien e të drejtës për organizimin e garës .

III. TË DREJTAT DHE OBLIGIMET E GARUESIT

Neni 11.

Paraqitjet për pjesëmarrje në gara bëhen me shkrim, me telefaks ose me postë elektronike Komisionit kompetent të garave.

Paraqitjen e garuesve për gara e bën klubi, kurse i nënshkruan personi i autorizuar për kontakte me Federatën.

Neni 12.

Garuesi do të pranohet për gara nëse i plotësojnë kushtet nga dispozitat për atë garë.

Neni 13.

Me paraqitjen për gara Boksieret i pranojnë të gjitha të drejtat dhe obligimet të cilat dalin nga kjo Rregullore dhe propozicionet për gara.

Neni 14.

Me rastin e ardhjes në garë,, boksieri në peshim duhet ta paraqes librezën dhe të ketë regjistrimin vjetor dhe kontrollimi mjekësor 6 mujor.

Nëse bokseri nuk mund ta tregojë librezën për gara nuk mund të peshohet dhe të merr pjesë në garë

Neni 15.

Klubet apo bokseret e paraqitur për gara janë të obliguar të marrin pjesë në garën për të cilën janë paraqitur.

Neni 16.

Gjatë kohës sa zgjatë gara, boksierii është i obliguar t'i përmbahet orarit të garave, të paraqitet me veshje sportive, që t'i pranojë vendimet e personave zyrtarë dhe të ketë sjellje dinjitoze.

IV. Llojet e garave

Neni 17.

Garat zyrtare në kuptimin e dispozitave të Rregullores për sistemin e garave janë:

- Garat për titull (ekipore dhe kampionati individual);
- Garat e hapura, me rastin e ndonjë ngjarjeje(turne të ndryshme).

Të gjitha garat nga ky nen janë publike.

Neni 18.

Në të gjitha garat zyrtare do të zbatohen rregullat e boksit dhe dispozitat e kësaj Rregulloreje.

V. Përgatitja e garave

a) Propozicionet

Neni 19.

Për çdo garë duhet të hartohen propozicionet dhe t'u dorëzohen të gjithë pjesëmarrësve të mundshëm, së paku 7 ditë para fillimit të garës.
Propozicionet i harton Komisioni i Federatës, e cila është kompetente për organizimin e garës.

Neni 20.

Propozicionet për gara patjetër duhet të përmbajnë:

- Emrin e organizatorit,
- Vendin dhe kohën e mbajtjes së garës me adresë të saktë të sallës ku do të mbahet dhe me kohën e saktë të fillimit të garës,
- Kush ka të drejtë të marrë pjesë në gara,
- Informata për pajisjet që do të përdoren në garë,
- Afati për paraqitje dhe kujt i drejtohet,
- Vendi koha e peshimit dhe hedhjes së shortit,
- Emri i Delegatit në garë,
- Informimi rreth vendosjes së mundshme të garuesve,

b) Shorti për garë

Neni 21.

Në të gjitha garat, hidhet shorti
Shorti për të gjitha garat është i hapur.

c) Orari i garës

Neni 22.

Me rastin e përpilimit të orarit të garës është e domosdoshme t'i përmbahemi këtyre normave për numrin maksimal të ndeshjeve që mund të zhvillohen brenda një dite.

Kur flitet për turnetë njëditorë boksieri mund të zhvilloj vetëm një ndeshje mbrenda dites.

VI. Kushtet për garë, pajisjet dhe veshmbathja e lojtarëve

a) Hapësira për lojë

Neni 23.

Objekti në të cilin mbahet gara duhet të jetë i mbyllur anash dhe i mbuluar, me mundësinë e ajrosjes e rregulluar ashtu që të mos ndikojë në garë.
Në objekt duhet të jenë zhyshoret për garues dhe toaletet.

Neni 24.

Në gara hapësira për garë duhet të jetë e rrethuar me rrethojë, të lartë afro 75 cm.
Brenda hapësirës për garë, përveç tavolinës së delegatit, mjekut kujdestar, gjendet edhe tavolina e gjyqtareve vendosur anash ringut.

Neni 25.

Brenda hapësirës për garë mund të ekspozohen porosi propagandistike dhe rekuizitat që përdoren Per garë(dorza, kokore etj).
Porositë propagandistike apo shenjat mund të vendosen në rrethojat e arenës.

Neni 26.

Ringu në të cilin mbahet gara duhet të jetë me propocione sipas rregullores së Federates Botërore IBA.

Neni 27.

Palestra, në të cilën mbahet gara, duhet të jetë e ngrohur, kurse temperatura nuk guxon të jetë më e ulët se 15° C.

b) Përgaditjet për lojë

Neni 32.

Tavolina duhet të jetë e punuar prej druri.

Të gjitha tavolinat në një garë duhet të jenë të cilësisë dhe të firmës së njëjtë.

Për gara të nivelit III në konkurrencët e të rinjve dhe të të rriturve mund të përdoren vetëm tavolinat e lejuara nga ITTF-ja.

Porositë propagandistike ose shenjat në fund të tavolinës duhet të jenë pak më të ndritshme ose pak më të mbyllëta se ngjyra themelore e tavolinës ose të zeza dhe jo më të mëdha se 400 m².

Neni 33.

Në gara mund të shfrytëzohen topat që i përgjigjen kërkesave të kreut të dytë të Handbook-ut, të cilat i lejon Bordi i Federatës, i cili është kompetent për organizimin e garës.

Neni 34.

Raketa me të cilën luhet duhet t'i përgjigjet kërkesave të kreut të dytë të Handbook-ut, pika katër.

Mbulesa e reketës (goma), në anën e raketës që përdoret për goditjen e topit, duhet të jetë e tipit dhe firmës që është lejuar nga ITTF-i, ashtu që firma dhe shenja e ITTF-it gjendet në skaj të raketës afër dorëzës dhe duhet të shihen qartë.

Shtresat e raketës mund të përforcohen për anën e raketës vetëm me folie ngjitëse apo me ngjitësa, të cilët nuk përmbajnë përbërës të ndaluar.

Është e ndaluar ngjitja e reketës në palestrën, në të cilën luhet.

c) Veshmbathja e lojtarëve

Neni 35.

Veshmbathja e lojtarëve përbëhet nga fanella me mëngë të shkurtëra, çorapët dhe mbathjet sportive. Mjete të tjera për veshje nuk mund të barten gjatë lojës pa lejen e gjyqtarit suprem.

Neni 36.

Veshmbathja e lojtarëve mund të jetë me çfarëdo ngjyre dhe e dizajnuar ashtu që ngjyra themelore, përveç përreth jakës dhe mëngëve, të jetë qartë e ndryshme nga ngjyra e topit me të cilin luhet.

Në pjesët e veshmbathjes së lojtarëve mund të jenë:

- Shenja ose logoja e prodhuesit me madhësi deri 24 cm²;
- Logoja e IBA-it nëse fanella është lejuar nga IBA
- Numrat ose germa në anën e prapme të fanellës për ta shënuar lojtarin ose klubin e tij, me madhësi deri 600 cm²;
- Porosi propagandistike.

Neni 37.

Porosi propagandistike në veshmbathjet e lojtarëve janë të limituara në:

- Jo më shumë se tri porosi në pjesën e përparme, anash ose në mëngën e fanellës, qartë të ndara njëra nga tjetra, me sipërfaqe të përgjithshme jo më shumë se 160 cm²;
- Jo më shumë se dy porosi propagandistike në brekë ose në fustan të shkurtër, qartë të ndara me sipërfaqe të përgjithshme 80 cm²;
- Një porosi propagandistike me madhësi deri 200 cm² në pjesën e prapme të fanellës;
- Porosia propagandistike në shenjën e lojtarit (numër etj.) mund të jetë me madhësi gjithsej 100 cm².

Shenja (numri) për ta dalluar lojtarin, të cilën e kërkon organizatori, ka përparësi ndaj porosisë propagandistike në qendër të pjesës së prapme të fanellës.

Neni 38.

Kurrëfarë shenje apo stolie nuk mund të vendoset në pjesën e përparme apo anësore të fanellës së bokserit dhe kurrëfarë lënde, p.sh. stoli e bartur nga bokseri, nuk guxon të jetë e varur dhe të shkëlqejë në sytë e kundërshtarit.

Neni 39.

Në garat ekipore dhe në çifte, lojtarët e një ekipi duhet të paraqiten, në gara, me fanella të njëjta, por mund të lejohen ndryshime në të mbathura sportive (çorapë dhe këpucë).

Neni 28.

Boksieret kundërshtarë duhet të kenë veshmbathje të ndryshme ashtu që shikuesit të mund t'i dallojnë (kuq, kaltër).

Neni 29.

Në të gjitha garat garuesit kanë veshje sipas kendit të ringut *kuq dhe kalter) ndërsa në garat e medha boterore dhe olimpiad sipas rregullores së IBA-së garuesit mund ta veshin uniformën me ngjyrë të shtetit përkates.

VII. Personat zyrtarë në garë

a) Udhëheqësia e garës

Neni 30.

Udhëheqësinë e garës e përbëjnë:

Delegati i për organizimin e garës dhe gjyqtarët .

Anëtarët e udhëheqësisë së garës veprojnë secili në kuadër të kompetencave të veta.

b) Delegati i Federatës

Neni 31.

Obligimet e delegatit janë:

- Që para fillimit të garës të vërtetojë a janë plotësuar të gjitha kushtet teknike për mbajtjen e garës (arena, ndriçimi, përgatitjet etj.)
- Që të vërtetojë shërbimin e gjyqtarëve;
- Që të vërtetojë mënyrën e dhënies së ndihmës së parë;
- Që të njoftohet me personat zyrtarë për udhëheqjen e garës;
- Që, para fillimit të garës, të shikojë rregullsinë e licencave për gara, duke përfshirë edhe kontrollimin mjekësor;
- Të evidencojë të gjitha rastet të cilat i nënshtrohen dënimeve mandatore;
- Që në gara, kur garuesi apo personi zyrtar i shkel rregullat, të bëjë paraqitjen për procedurë disiplinore;
- Që në gara, kur garuesi apo shikuesi i shkel rregullat në mënyrë të rëndë, siguron largimin e tij nga palestra;
- Të evidencojë rezultatet e arritura;
- Që pas përfundimit të garës të shkruaj raportin.

Raporti i delegatit duhet të përmbajë:

- Rezultatet komplete të garës;
- Datën dhe vendin e mbajtjes së garës dhe emrin e organizatorit;
- Emrat e gjyqtarëve;
- Vërejtjet se a janë përmbushur të gjitha obligimet e organizatorit në kuptimin e dispozitave të kësaj rregulloreje, veçanërisht për përgatitjet dhe për kushtet e garës;
- Informatën mbi sjelljen jo të mirë eventuale të shikuesve;
- Emrat e garuesve, dhe personave zyrtarë, të cilët për shkak të sjelljes së pahijshme do të evidentohen dhe të paraqiten në komisionin disiplinor të FBOXK-së.

Raporti i delegatit duhet të bëhet menjëherë pas përfundimit të garës dhe personalisht ose në afat prej 24 orësh ta dërgojë në adresë të organit që e ka deleguar.

Neni 40.

Delegati i garës është përgjegjës për:

- Hedhjen e shortit;
- Orarin e garës;
- Caktimin e gjyqtarëve
- Vendosjen për të gjitha çështjet e interpretimit të rregullave, duke përfshirë edhe rregullësinë e veshmbathjes së bokserve dhe pajisjes

- Marrjen e masave për shkak të sjelljes jo të mirë të garuesve, gjyqtarëve dhe shkelësve të tjerë të rregullave.

Kur e sheh të arsyeshme gjyqtari suprem mund ta ndërrojë gjyqtarin, gjyqtarin ndihmës apo numëruesin e goditjeve.

Përgjegjësia e gjyqtarit suprem nga paragrafet 1-3 të këtij neni mund të bartet në persona tjerë ose në komisione.

Nëse përgjegjësia e gjyqtarit suprem bartet në persona tjerë ose në komisione, të gjithë pjesëmarrësit e garës duhet të njoftohen për vendin e banimit të atyre personave apo komisioneve.

Neni 41.

Gjyqtari suprem mund të ketë zëvendësin.

Gjyqtari suprem ose zëvendësi i tij duhet të jenë të pranishëm në palestër gjatë tërë kohës së zhvillimit të garës.

d) Gjyqtari

Neni 42.

Për çdo ndeshje ekipore ose ndeshje individuale duhet të caktohet gjyqtari, i kategorisë që i përgjigjet nivelit të garave.

Për ndeshjet e ligës I kombëtare në konkurrencën e të rriturve dhe të rinjve drejtësinë e ndajnë dy gjyqtarë (kryesori dhe ndihmësi). Gjyqtari kryesor njëherit është edhe delegat i FboxK-së.

Ndeshjet e ligës II dhe të gjitha garat në konkurrencën e të rriturve dhe të rinjve i drejton një gjyqtar, i cili njëherit është edhe delegat i FboxK-së.

Ndeshjet e nivelit komunal dhe ndërkomunal, sikur edhe kategoritë e grup-moshave të reja mund t'i drejtojnë edhe personat, që nuk e kanë licencën e gjyqtarit, që me pajtimin e organizatorit e cakton gjyqtari suprem.

Pjesëmarrësit në garë nuk mund ta luajnë rolin e gjyqtarit në atë garë.

Neni 43.

Gjyqtari drejton lojën në pajtim me rregullat e boksit dispozitat e kësaj Rregulloreje dhe është përgjegjës për atë çka ndodh brenda hapësirës për lojë.

Në kompetencat e drejtpërdrejta të gjyqtarit hyjnë:

- Vërtetimi i pranueshmërisë së kushteve për lojë dhe përgatitjeve dhe informimi i gjyqtarit suprem për parregullsitë eventuale;
- Vendosja për çdo pikë, përveç kur gjyqtari ndihmës e ka të drejtën e vendosjes;
- Mbajtja e kontinuitetit të lojës;
- Caktimi i zbatimit të mënyrës ekspeditive të lojës;
- Lajmërimi i rezultatit;
- Zbatimi i rregullave për dhënien e udhëzimeve I;
- Zbatimi i rregullave për sjelljen e bokserve.

Gjyqtari ndihmës

Neni 44.

Për çdo ndeshje ose meç individual mund të caktohet gjyqtari ndihmës.

Nëse është caktuar gjyqtari ndihmës, ai do të vendoset përballë gjyqtarit në vijë të rrjetës dhe mund:

- Të kontrollojë kohën e nxehjes, kohëzgjatjen e setit dhe kohëzgjatjen e pushimit;
- Të vendosë se a ka qenë shërbimi i lojtarit i rregullt;
- Të vendosë në anën e tij të tavolinës a e ka prekur topi pjesën anësore të tavolinës, te huan e sipërfaqes për lojë ose që topi nuk ka prekur;
- Të vendosë a e ka prekur topi rrjetën gjatë shërbimit;
- Të numërojë goditjet e pranuesit të shërbimit gjatë zbatimit të mënyrës ekspeditive të lojës (nëse për këtë nuk është caktuar ndonjë person tjetër);
- Të ndërpresë lojën nëse janë shkelur kushtet për lojë në mënyrë që do të mund të ndikojnë në rezultatit të lojës.
- Vendimet e gjyqtarit ndihmës janë të plotëfuqishme kur kanë të bëjnë me faktet për të cilat është caktuar.

e) Personat zyrtarë

Neni 51.

Personat zyrtarë në gara (delegati dhe gjyqtarët) kanë të drejtë në taksë, së paku në shumë të cilën për çdo stinor garues e cakton Bordi i FboxK-së.

Nëse personi zyrtar e kryen detyrën e tij jashtë vendit të tij të banimit të përhershëm i takon kompensimi për hargjime të udhëtimit dhe mëditja sipas rregullave të FboxK-së.

Neni 45.

Për mos përmbushjen e detyrimeve të tyre personat zyrtarë i nënshtrohen procedurës disiplinore. Gabimet disiplinore të personave zyrtarë i zgjedhin komisionet disiplinore të Federatës, e cila është kompetente për organizimin e garës në të cilën është bërë gabimi.

XIX. Rrjedha e garave

Neni 46.

Afër arenës, në vende të caktuar për këtë (ulëse), përveç bokserive, mund të qëndrojnë edhe më së shumti tre persona (trajneri, mjeku dhe udhëheqësi i rrugës).

a) Zgjedhja e paisjeve për garë

Neni 47.

Para fillimit të gares organizatori duhet të siguroj dorzat ,kokoret, për boksier.

c) Kontinuiteti i garës

Neni 48.

Garuesit në gara, janë të obliguar të paraqiten sipas orarit të paraparë menjëherë pasi të jenë thirrur. Nëse garuesi nuk paraqitet edhe pasi të kenë kaluar një (1) minuta, do ta humbë takimin pa luftë.

Neni 49.

Gjyqtari është i detyruar të sigurojë që gara të zhvillohet sipas rregullave të boksit. Gjatë ndeshjes së boksit gjyqtari ka të drejtë ta ndërpres duelin me anë të komandës "STOP" dhe të sygjerojë garuesin dhe prap të vazhdon duelin. Garuesit mund të pushojnë nga një minutë pas çdo roundi i cili zgjat tre (3) minuta.

d) Këshillat bokserve

Bokseret mund të marrin këshilla lidhur me mënyrën e udhëheqjes së lojës vetëm gjatë pushimit ndërmjet rundeve.

Nuk mund të marrin këshilla në asnjë moment gjatë duelit,

e) Sjelljet e boksiereve

Neni 50.

Bokseret duhet të përmbahen nga sjelljet jo sportive, fyerjes së kundërshtarit, personave zyrtarë ose shikuesve, me çka do ta dëmtonin imazhin e tyre, imazhin e boksit etj .

Neni 51.

Gjyqtari mund të ndërmarrë masa ndaj boksiereve, i cili sillet në mënyrë jo sportive. Në kuadër të masave disiplinore të zbatuara, bokseri mund të denohet me verejtje publike dhe nese e perserit te njejtin gabim përjashtohet (diskualifikohet) nga gara.

f) Leximi i rezultatit

Delegati është i obliguar që ta lexojë rezultatin dhe gjyqtari në ring me ngritje dore të shpallë fituesin e duelit.

X. Shpërblimet

Neni 52

Në të gjitha garat zyrtare, garuesve me të mire organizatori u ndanë trofe sportivë ose mirënjohje. Organizatori është i obliguar të sigurojë trofetë sportivë apo mirënjohjet, Në garat për titull shpërblimet e trofeve i jep FboxK-ja .

Neni 53.

Kur është e caktuar me propozicione, organizatori, ekipeve apo lojtarëve më të mirë mund t'iu ndajë edhe shpërblime tjera apo shpërblime në të holla.

XI. Dispozitat ndëshkuese

Neni 54.

Për shkeljen e dispozitave të kësaj Rregulloreje për rastet e parashikuara me Rregulloren për përgjegjësinë disiplinore dhe materiale, Komisioni disiplinor i FboxK-së në bazë të raportit të delegatit do të nisë procedurën disiplinore dhe të bjerë vendimin. Për shkelje më të lehta të dispozitave të kësaj Rregulloreje, klubeve dhe garuesve mund tu shqiptohet dënimi mandator:

Neni 55.

Dënimet mandatore i shqipton Komisioni i garave, në bazë të raportit të delegatit.

XII. Ankesat

Neni 56.

Nuk mund të bëhet ankesë kundër vendimit të gjyqtareve .

XIII. Komisioni i garave

Neni 57.

Të gjitha punët profesionalo-teknike lidhur me organizimin dhe mbajtjen e garave, duke e përfshirë edhe shqiptimin e dënimeve mandatore, në mënyrë të pavarur e bën Komisioni i garave. Mandati i kryetarit dhe Komisionit të garave zgjat aq sa zgjat edhe mandati i anëtarëve të Bordit, i cili i ka emëruar. Komisioni vepron sipas Rregullores për punën e Komisionit të garave, të cilën e ka lejuar Bordi.

XIV. Dispozitat përmbyllëse

Neni 58.

Interpretimin e dispozitave të kësaj Rregulloreje e bën Bordi i FBOXK-së.

Neni 59.

Ndryshimet dhe plotësimet e kësaj Rregulloreje bëhen sipas veprimit dhe mënyrës së përshkruar për nxjerrjen e saj.

Neni 60.

Këtë rregullore e harton dhe e miraton Bordi i FBOXK-së ne mbledhjen e mbajtur me 18.06.2022

Kjo rregullore hyn në fuqi ,duke filluar nga data e miratimit.

Kryetari i FboxK-së
Enver Krasniqi



Prishtinë më 18.06.2022